

# *Մամլո հաղորդագրություն*

**ՀԲԸՄ-Ը և «ՀԱՅԱՍՏԱՆ» ՀԱՄԱՀԱՅԿԱԿԱՆ ՀԻՄՆԱԴՐԱՄԸ  
ՄԵԿՆԱՐԿՈՒՄ ԵՆ #ՕԳՆՈՒԹՅՈՒՆԱՐՑԱԽԻՆ  
ՆՎԻՐԱՏՎՈՒԹՅՈՒՆՆԵՐԻ ԿՐԿՆԱՊԱՏԿՄԱՆ ԾՐԱԳԻՐ՝ ՀԲԸՄ ԿՈՂՄԻՑ  
1 ՄԼՆ ԱՄՆ ԴՈԼԱՐ ՆՎԻՐԱՏՎՈՒԹՅԱՄԲ**

5 հոկտեմբերի, 2020թ.

**Ենթակա է անհապաղ հրապարակման**

Ի պատասխան Արցախում արագորեն ավելացող մարդասիրական օգնության կարիքին՝ ՀԲԸՄ Կենտրոնական վարչությունը «Հայաստան» համահայկական հիմնադրամի հետ համատեղ հայտարարել են #ՕգնությունԱրցախին նվիրատվությունների կրկնապատկման ծրագիրը, որը գործելու է մինչև 2020թ. նոյեմբերի 15-ը:

Կրկնապատկվող գումարները օգտագործվելու են բացառապես Արցախի և Հայաստանի համար մարդասիրական օգնության նպատակով և շտապ օգնության նշանակության բժշկական սարքավորումներ ձեռք բերելու համար, որոնց կարիքն առաջացել է 2020թ. սեպտեմբերի 27-ին՝ թշնամու կողմից լայնամասշտաբ պատերազմի սանձազերծման հետևանքով:

Այս հրատապ նախաձեռնությունը խթանելու համար ՀԲԸՄ-ը «Հայաստան» համահայկական հիմնադրամին տրամադրել է 1 մլն ԱՄՆ դոլար և պարտավորություն ստանձնել մինչև 5 մլն ԱՄՆ դոլարը այս պահից մինչև դրամահավաքի ավարտը ընկած ժամանակահատվածում հավաքված ընդհանուր նվիրատվությունների գումարը կրկնապատկել:

Դրամահավաքի ընթացքում ՀԲԸՄ-ը պատրաստ է կրկնապատկել յուրաքանչյուր դոլարը մինչև 5 մլն-ը՝ 100,000 ԱՄՆ դոլարի առանձին նվիրատվությունների դեպքում: Սա բարձր նշաձող է բոլոր այն հայերի առատաձեռն նվիրատվությունների համար, ովքեր ցանկանում են տեսնել իրենց նվիրատվությունների կրկնակի օգտակար լինելը թե՛ մարտի դաշտում և թե՛ դրանից դուրս:

-Պաշտպանության այս վճռական պահին, երբ քաղաքացիների համար սնունդը և այլ կարիքի պարագաները, ինչպես նաև զինվորների համար կյանքեր փրկող բժշկական սարքավորումները սպառվում են բավական արագ, ՀԲԸՄ-ի կողմից դրամական նվիրատվության կրկնապատկումը հնարավորություն կընձեռի նվիրատվությունները հասցնելու առավելագույնի, -նշել է «Հայաստան» համահայկական հիմնադրամի գործադիր տնօրեն Հայկակ Արշամյանը: - Մեկ միլիոն ԱՄՆ դոլարի

անմիջական ներդրումը պետք է ամբողջ աշխարհում յուրաքանչյուր հայի ներշնչի անհապաղ գործել՝ այդ գումարի աճը մեծացնելու ակնկալիքով:

Ըստ ՀԲԸՄ Նախագահ Պերճ Սեդրակյանի՝ այս նախաձեռնությունը «կանխորոշված եզրակացություն» է: Նա նշել է, որ հասցված վնասով պայմանավորված՝ նկատի ունենալով առկա կարիքի ծանրությունը և լրջությունը թե՛ ապաստարաններում պատսպարված քաղաքացիական բնակչության և թե՛ ծանր վիրավորված զինվորների համար «չկա քննարկման հարց, թե ինչ ենք պարտավոր անել այս դժնդակ պահին»:

Մարդասիրական օգնությունը Արցախին արագ հասնցելու համար նվիրատվությունները կարող եք առցանց կատարել ՀԲԸՄ-ին: ՀԲԸՄ-ը անմիջապես գումարները կփոխանցի «Հայաստան» համահայկական հիմնադրամին՝ յուրաքանչյուր 500,000 ԱՄՆ դոլարը լրանալուն պես: Նշենք, որ նվիրատվությունները պետք է ուղղակի կատարվեն ՀԲԸՄ-ին՝ կրկնապատկելու նպատակով: Նվիրատվությունները կատարելու համար օգտվեք հետևյալ հղումներից [www.agbu.org/aid4artsakh](http://www.agbu.org/aid4artsakh) կամ փոխանցում կատարելու համար՝ [giving@agbu.org](mailto:giving@agbu.org) Նվիրատվություններ կարող եք կատարել նաև տեղական ՀԲԸՄ գրասենյակներին:

Ժամանակային սահմանափակում ունեցող այս դրամահավաքի վերաբերյալ հավելյալ հարցերի դեպքում այցելեք [www.agbu.org/aid4artsakh](http://www.agbu.org/aid4artsakh)

*Հայկական Բարեգործական Ընդհանուր Միությունը (ՀԲԸՄ) սփյուռքի հնագույն, համաժողովրդական և համահայկական կազմակերպությունն է: Հիմնված լինելով 1906 թվականին՝ ՀԲԸՄ-ի գլխամասային գրասենյակը գտնվում է Նյու Յորքում: ՀԲԸՄ-ը կրթական, մշակութային և մարդասիրական ծրագրերի միջոցով պահպանում և զարգացնում է հայկական ինքնությունն ու ժառանգությունը՝ յուրաքանչյուր տարի ազդեցություն ունենալով աշխարհով մեկ սփռված շուրջ 500,000 հայերի կյանքի վրա:*

*ՀԲԸՄ-ի և իր աշխարհասփյուռ ծրագրերի մասին հավելյալ տեղեկություն ստանալու համար կարող եք այցելել՝ [www.agbu.org](http://www.agbu.org):*

---

## Լրատվական հարցումների համար դիմել՝

ՀԲԸՄ մամուլի գրասենյակ  
55 East 59-րդ փողոց  
Նյու Յորք, NY 10022-1112  
Հեռախոս՝ 212.319.6383  
Էլ. փոստ՝ [communications@agbu.org](mailto:communications@agbu.org)